

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Na osnovu odredaba Zakona o ministarskim, vladinim i drugim imenovanjima Federacije Bosne i Hercegovine ("Sl. novine Federacije BiH", broj: 12/03, 34/03 i 65/13), člana 9 Odluke o postupcima, standardima i kriterijima imenovanja na pozicije u reguliranim organima Općine Maglaj („Službene novine Općine Maglaj“, broj:2/17), Općinsko vijeće Maglaj

PONIŠTAVA DIO JAVNOG OGLASA

za imenovanje/nominovanje kandidata na upražnjene pozicije u reguliranim organima Općine Maglaj broj: 02-05-1-451-1/17 od 13.04.2017. godine, objavljenog na Oglasnoj ploči Općine Maglaj dana 14.04.2017. godine, na web stranici Općine Maglaj dana 14.04.2017. godine i 24.04.2017. godine, u dnevnom listu „Oslobodeje“ dana 17.04.2017. godine i u "Službnim novinama Federacije BiH", broj: 29/17 od 19.04.2017. godine, koji se odnosi na upražnjene pozicije: jedan član Upravnog odbora JU "Dom zdravlja" Maglaj - predstavnik Kantonalnog ministarstva zdravstva i jedan član Upravnog odbora JU „Narodna apoteka“ Maglaj - predstavnik Kantonalnog ministarstva zdravstva, i ujedno

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl. novine Federacije BiH", broj: 12/03, 34/03 i 65/13), a u vezi sa članom 64. stav 5; 8; 9; 15. i 16. Zakona o zdravstvenoj zaštiti (Službene novine Federacije BiH broj: 46/10 i 75/13), člana 9. Odluke o postupcima, standardima i kriterijima imenovanja na pozicije u reguliranim organima Općine Maglaj („Službene novine Općine Maglaj“, broj:2/17), člana 18. Statuta Općine Maglaj («Službene novine Općine Maglaj», broj: 8/07, 3/08 i 6/08), Općinsko vijeće Maglaj raspisuje

PONOVNI JAVNI OGLAS

**za imenovanje na upražnjenje pozicije u reguliranim organima Općine Maglaj -
člana Upravnog odboru JU "Dom zdravlja " Maglaj i
člana Upravnog odbora JU „Narodna apoteka“ Maglaj**

I Naziv pozicije

1. Jedan član Upravnog odbora JU "Dom zdravlja" Maglaj - predstavnik Kantonalnog ministarstva zdravstva.
2. Jedan član Upravnog odbora JU „Narodna apoteka“ Maglaj - predstavnik Kantonalnog ministarstva zdravstva.

II Opis pozicije

Upravni odbor zdravstvenih ustanova donosi statut zdravstvene ustanove, imenuje i razrješava direktora odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada, donosi finansijski plan i usvaja godišnji obračun, donosi opće akte o unutrašnjem uređenju i sistematizaciji poslova i druge opće akte u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove.

usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog statutom zdravstvene ustanove, odgovara osnivaču za rezultate rada zdravstvene ustanove, odlučuje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju zdravstvene ustanove, obavlja i druge poslove u skladu sa zakonom i statutom zdravstvene ustanove.

Imenovanje na pozicije iz prethodne tačke vrši se na period do isteka mandata ostalih članova navedenih Upravnih odbora imenovanih po Javnom oglasu, uz mogućnost ponovnog imenovanja u skladu sa zakonom.

Kandidati za imenovanje na upražnjenu poziciju u reguliranim tijelima Općine Maglaj člana Upravnog odbora JU "Dom zdravlja " Maglaj i člana Upravnog odbora JU „Narodna apoteka“ Maglaj, treba da ispunjavaju opće i posebne uvjete.

III Opći uvjeti

Svi kandidati za imenovanje dužni su da ispunjavaju sljedeće opće uvjete:

Opći uvjeti za imenovanja/nominiranja na upražnjenu poziciju u reguliranim tijelima Općine Maglaj su:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- d) da se na njih ne odnosi član IX.1. Ustava Bosne i Hercegovine,
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13),
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj 70/08),
- g) da nema privatni i/ili finansijski interes u instituciji u kojoj se kandiduje,
- h) da nije osuđivan za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,
- i) da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

IV Posebni uvjeti

Kandidati za imenovanje na upražnjenu poziciju u reguliranim tijelima Općine Maglaj, člana Upravnog odbora JU "Dom zdravlja " Maglaj i člana Upravnog odbora JU „Narodna apoteka“ Maglaj, treba da ispunjavaju posebne uvjete, i to:

-posebne uslove /uvjete propisane odgovarajućim zakonom koji reguliše oblast za koju je osnovan i registrovan regulirani organ, odnosno uvjete za određenu poziciju u reguliranom tijelu i (ili):

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,

Izuzetno, posebni uslov može biti VŠS odnosno SSS stručne spreme, kada je očigledno neophodno osigurati sastav reguliranih tijela predstavnika građana, roditelja, zaposlenika, korisnika i sl.

b) najmanje tri (3) godina radnog iskustva nakon sticanja visoke stručne spreme, odnosno pet (5) godina nakon sticanja VŠS ili SSS.

c) da nije član nadzornog ili upravnog odbora, odnosno odbora za reviziju nekog privrednog društva ili institucije,

d) da nije vlasnik ili član uprave nekog privrednog društva ili institucije,

f) komunikacijske i organizatorske sposobnosti,

g) sposobnost tumačenja propisa iz oblasti za koju je regulirani organ osnovan.

h) sposobnost upravljanja finansijskim i ljudskim resursima,

i) poželjno poznavanje stranih jezika.

Prilikom procjene posebnih uslova/uvjeta, kriteriji navedeni pod tačkama od f) do h) izrazit će se u bodovima od 1-5.

V Spisak potrebnih dokumenata, rok i mjesto za podnošenje prijave

Uz prijavu kandidata, koja treba da sadrži naziv pozicije na koju se prijava podnosi, kraću biografiju, adresu i kontakt telefon, potrebno je dostaviti i slijedeću dokumentaciju :

- izvod iz matične knjige rođenih,

- dokaz o školskoj spremi (ovjerenu kopiju diplome)

- dokaz o radnom iskustvu (uvjerenje o radnom iskustvu)

- uvjerenje o državljanstvu,

- potpisanu i ovjerenu izjavu kandidata na okolnosti iz tačke III Opći uvjeti alineja c), d), e), f), g), h) i i) i tačke IV Posebni uvjeti alineja c) i d),

Za dokazivanje određenih **općih i posebnih** uslova, kandidati mogu preuzeti obrazac Izjave u Šalter sali Općine Maglaj.

Dokumenti koji se prilažu uz prijavu moraju biti originali ili ovjerene kopije na starije od 6 mjeseci.

U prijavi kandidati su dužni naznačiti na koju poziciju se kandidiraju

Dokaz da kandidat nije osuđivan za krivično djelo od nadležnog Ministarstva unutrašnjih poslova službeno će se tražiti za kandidate koji budu predloženi za konačna imenovanja.

Podnosioci prijave s kojima se ne stupi u kontakt u roku od 10 dana od isteka roka od podnošenja prijave neće biti uzeti u razmatranje u daljem procesu imenovanja.

Posljednji dan podnošenja prijave računa se prema datumu objave u glasilu koje posljednje bude objavilo ovaj oglas.

Svi kandidati koji budu stavljeni na listu s užim izborom biće pozvani na intervju od strane Komisije. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Službeni glasnik Bosne i Hercegovine“, broj 49/06).

Oglas će biti objavljen u „Službenim novinama F BiH“, dnevnom listu „Oslobodjenje“, web stranici Općine Maglaj, Oglasnoj ploči Općine Maglaj i RTV Maglaj.

Oglas za podnošenje prijave je otvoren 14 dana od dana posljednjeg objavljivanja oglasa.

Prijave kandidata koji su na funkciji u političkoj stranci će se odbaciti (kandidati koji se ne kvalificiraju) u skladu sa Zakonom o ministarskim, vladinim i drugim imenovanjima Federacije BiH.

Prijave sa svim traženim dokumentima treba dostaviti lično ili poštom preporučeno na slijedeću adresu

Općina Maglaj, Viteška ulica br. 4, Maglaj

sa naznakom „ **Prijava na Ponovni Javni oglas za imenovanje na upražnjenje pozicije reguliranim organima Općine Maglaj - člana Upravnog odboru JU "Dom zdravlja " Maglaj i člana Upravnog odbora JU „Narodna apoteka“ Maglaj, na poziciju člana UO JU _____ predstavnika Kantonalnog ministarstva zdravstva - ne otvarati“ ,**

Na poledini koverta potrebno je napisati ime i prezime i adresu podnosioca prijave. Nepotpune i neblagovremene prijave neće se uzeti u razmatranje.

Broj:02-05-1-1956/17
Maglaj, 22.08.2017. godine



PREDSDAVAJUĆA OV
Svjetlana Zamboni